



A Universidade lanza a primeira convocatoria ao aveiro da Cátedra Feminismos 4.0.

BOLSAS DE MOBILIDADE PARA PROMOVER O INTERCAMBIO DE COÑECEMENTOS CONTRA O MACHISMO DIXITAL

DUVI 02/07/2019

Ata o 12 de xullo poderán presentarse as solicitudes para a primeira convocatoria de bolsas de mobilidade da Cátedra Feminismos 4.0 DEPO-UVIGO para o alumnado de programa de doutoramento da Universidade de Vigo. O obxectivo das bolsas é facilitar as estadias en centros de investigación para contribuír ao intercambio de coñecemento e á mellora e internacionalización da carreira investigadora con relación aos estudos con perspectiva de xénero da actual sociedade dixital, o denominado machismo dixital. [+info.](#)



Souto, Castaño, ISorna e Rodríguez, no acto inaugural.

TRES DÍAS PARA FALAR DE SAÚDE DESDE UNHA PERSPECTIVA DE XÉNERO

DUVI PONTEVEDRA 03/07/2019

Falar de saúde e facelo desde unha perspectiva de xénero, formando e informando aos e ás asistentes sobre cuestións como o ciclo menstrual, a saúde mental perinatal ou o climaterio e a menopausa. Ese é o obxectivo do curso de verán, promovido pola Vicerreitoría do campus de Pontevedra, *Vida saudable da muller ao longo do seu ciclo vital*, que se desenvolve desde este mércores no auditorio de Catoira. [+info.](#)



Xabier Lavandeira (á esquerda da imaxe) nunha sesión de traballo da comisión de expertos (Foto Fundéu/EFE).

CRISE CLIMÁTICA OU CAMBIO CLIMÁTICO? FUNDÉU PROMOVE O USO DUNHA TERMINOLOXÍA PRECISA NOS MEDIOS PARA INFORMAR SOBRE A SITUACIÓN AMBIENTAL

M^a DEL CAMEN ECHEVARRÍA DUVI 04/07/2019

Emerxencia climática. Urgencia climática. Descarbonización. Emisións netas nulas. Mitigación. Estes son só algúns exemplos da riqueza terminolóxica que na actualidade existe para facer referencia a problemas asociados á situación climática e ambiental. Non obstante, o uso que os medios de comunicación fan para informar á cidadanía sobre as cuestións climáticas non sempre é o máis axeitado para favorecer a correcta comprensión do fenómeno e as súas verdadeiras dimensións. [+info.](#)



As persoas que se matriculen en materias
"English Friendly"

A UNIVERSIDADE LANZA UN CATÁLOGO CON 150 MATERIAS 'ENGLISH FRIENDLY' PARA O ALUMNADO INTERNACIONAL

D. BESADÍO DUVI 05/07/2019

Este curso arrancou na Universidade de Vigo coa estrea de dúas titulacións con máis do 80% da docencia en inglés e para o 2019-2020 a institución vai dar novos e importantes pasos no seu proceso de internacionalización. Dunha banda, increméntase nun 11% a oferta de materias en inglés dos diferentes graos – que alcanza así a cifra de 138 - e, da outra, lanza un catálogo de 146 materias English Friendly, disciplinas nas que a lingua vehicular é o castelán e/ou o galego, pero nas que os seus docentes se comprometen a que o alumnado poida acceder na lingua de Shakespeare. [+info.](#)



Juan Picos, coa publicación editada pola
RIET.

A REDE DE ENTIDADES TRANSFRONTEIRIZAS PUBLICA UN ESTUDO SOBRE LUMES FORESTAIS COORDINADO DESDE A EE FORESTAL

DUVI PONTEVEDRA 05/07/2019

Centrado en analizar os diferentes ámbitos nos que a cooperación a ambos lados da fronteira entre España e Portugal podería contribuír a mellorar a prevención e o combate dos lumes forestais, o Eixo Atlántico presentou a finais de 2018 un estudo sobre cooperación transfronteiriza coordinado polo director da Escola de Enxeñaría Forestal, Juan Picos. [+info.](#)



A xornalista Ana Fuentes, co libro e ante a
placa explicativa do edificio Olimpia
Valencia.

OLIMPIA VALENCIA, UNHA PIONEIRA NA CIENCIA E NA IGUALDADE

M. DEL RÍO DUVI 05/07/2019

Olimpia Valencia entrou na Facultade de Medicina na Universidade de Santiago de Compostela en 1919, tan só nove anos despois de que se aprobase o decreto que permitía ás mulleres estudar carreiras. Xusto cando se cumpren 100 do seu ingreso na USC sae do prelo o libro *Olimpia Valencia: ocho décadas de historia desde los ojos de una pionera*, publicado pola redactora xefe de Atlántico Diario, Ana Fuentes. E o lugar elixido para presentalo non podía ser outro que o edificio que leva o nome da doutora no campus de Vigo e que acolle o Centro de Investigacións Biomédicas, Cinbio, e o Centro de Apoio Científico-Tecnolóxico á Investigación, Cacti. [+info.](#)



Mónica Valderrama, Luis Espada, Manuel Reigos a, Ernesto Pedrosa e Natalia Caparrini.

A UNIVERSIDADE XA TEN UN CORDÓN UMBILICAL QUE A UNE COAS SÚAS EGRESADAS E EGRESADOS

Ma DEL CAMEN ECHEVARRÍA DUVI 08/07/2019

Fomentar e manter a comunicación e o vínculo constante co antigo alumnado e ser o canal que albergue os formularios en liña que permitan continuar coa elaboración dos estudos de seguimento de inserción laboral das e dos egresados, son os obxectivos da [páxina web](#) que o Observatorio das Persoas Tituladas da Universidade de Vigo acaba de estrear.. [+info.](#)



PREMIO PARA OS TRABALLOS FIN DE GRAO E DE MESTRADO 'COMPROMETIDOS CO PLANETA'

DUVI 10/07/2019

Suma e segue. Desde a Vicerreitoría de Responsabilidade Social, Internacionalización e Cooperación séguense a lanzar novas iniciativas comprometidas coa implementación dos Obxectivos de Desenvolvemento Sostible incluídos na Axenda 2030. Nesta ocasión faino cunha nova convocatoria de premios, os [Premios ao mellor Traballo Fin de Grao / Traballo Fin de Mestrado no curso 2018/2019](#), galardóns cos que recoñecer os mellores proxectos realizados polo alumnado da Universidade de Vigo en temáticas relacionadas coa Axenda 2030, a cooperación ao desenvolvemento e a responsabilidade social. [+info.](#)



Unha das aulas do ciclo integrado deste curso 2018-2019.

O PROGRAMA DE MAIORES ABRE O PRAZO DE INSCRICIÓN

DUVI 15/07/2019

A partir de hoxe luns, 15 de xullo, está xa aberto o prazo de inscrición nos ciclos intensivo e integrado no [Programa de Maiores](#) da Universidade de Vigo, unha alternativa docente reservada para persoas de máis de 55 anos con independencia dos estudos previos cos que contén. A inscrición, que se pode realizar ata o 26 de xullo, debe cursarse en liña, pero as persoas que o precisen poden recibir apoio para completar o proceso. [+info.](#)



Imaxe do percorrido sinalizado.

UNHA RUTA INTERPRETATIVA PERMITE COÑECER O XACEMENTO DE SAN SALVADOR DE TODEA EN ALLARIZ

DUVI OURENSE 17/07/2019

Membros do Grupo de Estudos de Arqueoloxía, Antigüidade e Territorio (Geaat) da Universidade de Vigo acaban de rematar o deseño e sinalización dunha ruta interpretativa do xacemento medieval de San Salvador de Todea, composto por un castelo de fundación alto medieval e unha necrópole escavada na rocha situados a escasos metros da aldea de San Salvador dos Penedos, no Concello de Allariz. [+info.](#)



A institución achega a súa experiencia cara á elaboración dun marco europeo oara persoal investigador.

A UNIVERSIDADE EXPORTA A EUROPA O SEU MODELO PARA PALIAR OS PARÓNS NA CARREIRA DO PDI DERIVADOS DA BRECHA DE COIDADOS

M^a DEL CARMEN ECHEVARRÍA DUVI 17/07/2019

En abril deste ano, a Universidade de Vigo converteuse na primeira institución académica española, e unha das poucas europeas, en aprobar unha acción positiva, dentro das convocatorias propias de produción científica en investigación, docencia e transferencia, que aborda a denominada “brecha de coidados” por razón de maternidade, conciliación e/ou violencia de xénero, que afecta principalmente ás mulleres docentes e investigadoras. [+info.](#)



Intervención de James Wiggitt, Bangor University.

DOUS INVESTIGADORES BRITÁNICOS PROTAGONIZAN UNHA EDICIÓN ESPECIAL DO CICLO CAFÉ CON SAL

DUVI 18/07/2019

A Ecimat acolheu este xoves unha edición especial do ciclo de conferencias Café con Sal con motivo da estancia no centro de dous investigadores británico baixo o [programa de Accesos Transnacionais de Asemble Plus \(TNA\)](#) que, en breve, abrirá a súa quinta convocatoria. A xornada arrancou precisamente cunha breve introdución sobre o TNA que correu a cargo de Fiz da Costa, xestor de proxectos da Ecimat, que presentou os servizos básicos do centro aos que calquera membro do persoal investigador ou técnico, de calquera institución pública ou privada, pode acceder. [+info.](#)



Foto de familia das e dos participantes na semana internacional.

UNHA SEMANA PARA REFORZAR RELACIÓNS E EXPLORAR NOVAS VÍAS DE COLABORACIÓN ENTRE UNIVERSIDADES CHINESAS, CABO VERDE E VIGO

M^a DEL CAMEN ECHEVARRÍA DUVI 15/07/2019

Dende hoxe e ata o vindeiro venres, unha vintena de persoas expertas en estudos mariñas e autoridades das universidades de Cabo Verde, Xiamen e da Ocean University of China, participarán na *International Week on Marine Studies Multidisciplinary Approaches*, organizada pola Universidade de Vigo e Campus do Mar e financiada polo programa Erasmus+. [+info.](#)



Asistentes a anterior edición do curso "Termalismo: espazos Termals".

A PRESENZA DUNHA DELEGACIÓN COLOMBIANA INTERNACIONALIZA O CURSO DE VERÁN SOBRE TERMALISMO

DUVI 16/07/2019

Termalismo: Espazos termals, o máis veterano dos cursos de Extensión Universitaria, internacionalízase este verán. Esta actividade, que se levará a cabo entre o 22 e o 26 de xullo en preto dunha ducia de balnearios de toda Galicia, despertou interese ao outro lado do Atlántico e, como principal novidade desta edición, a décimo novena, "cóntase coa participación de 20 alumnos e alumnas procedentes de Colombia", indica José Luis Legido, profesor da Universidade de Vigo e director do curso, quen recalca que esta delegación colombiana está composta por un grupo de empresarios do sector, profesionais e representantes de gobernos locais. [+info.](#)



Imaxe do traballo em laboratorio.

UNHA TESE AFONDA NO POTENCIAL DA MADEIRA DE PAULONIA PARA A PRODUCCIÓN DE BIOETANOL

DUVI OURENSE 18/07/2019

"A valorización integral da madeira de paulonia, unha prometedora biomasa de rápido crecemento, con especial atención á produción de bioetanol, seguindo esquemas de biorrefinería". Este foi o obxectivo da tese de doutoramento da enxeñeira técnica agrícola Elena Domínguez, na que analiza a potencialidade de varias posibilidades de pretratamento da materia prima procedente desta árbore. [+ info.](#)



A xuntaza de lanzamento realizouse esta semana en Santiago de Compostela.

O PROXECTO SHERPA DO MAR CREAMÁ UNHA PLATAFORMA EURORREXIONAL DE FOMENTO DA COMPETITIVIDADE NO EIDO MARIÑO

M. DEL RÍO DUVI 18/07/2019

Sherpa do Mar é un dos tres proxectos da convocatoria Poctep 2019 nos que a Universidade de Vigo é beneficiario principal. Trátase dunha proposta que ten como obxectivo crear e dinamizar unha plataforma eurorrexional en Galicia e o norte de Portugal para o fomento da competitividade no eido mariño e marítimo a través do impulso de empresas de base tecnolóxica con alto valor engadido. [+ info.](#)



Intervención de James Wiggitt, da Bangor University..

DOUS INVESTIGADORES BRITÁNICOS PROTAGONIZAN UNHA EDICIÓN ESPECIAL DO CICLO CAFÉ CON SAL

DUVI 18/07/2019

A Ecimat acolheu este xoves unha edición especial do ciclo de conferencias Café con Sal con motivo da estancia no centro de dous investigadores británico baixo o [programa de Accesos Transnacionais de Asemble Plus \(TNA\)](#) que, en breve, abrirá a súa quinta convocatoria. A xornada arrancou precisamente cunha breve introdución sobre o TNA que correu a cargo de Fiz da Costa, xestor de proxectos da Ecimat, que presentou os servizos básicos do centro aos que calquera membro do persoal investigador ou técnico, de calquera institución pública ou privada, pode acceder. [+ info.](#)



Foto de familia dos socios na xuntaza de lanzamento en Irlanda do Norte.

SEIS REXIÓNS ATLÁNTICAS EUROPEAS ÚNENSE PARA RECUPERAR, PROTEXER E DINAMIZAR O SEU PATRIMONIO INMATERIAL

M. DEL RÍO DUVI 19/07/2019

A cultura do mar, coas tradicionais carpinterías de ribeira ou as artes de pesca e a do téxtil son dous nexos comúns que unen a moitas comunidades atlánticas, un patrimonio inmaterial, ás veces, pouco protexido e escasamente visibilizado. É nesa contorna na que se centrará o proxecto europeo AtlanticCultureScape, unha iniciativa na que están implicadas seis rexións do arco atlántico: Galicia, Cantabria, Andalucía, Río Maior en Portugal así como zonas de Gales, Irlanda e Irlanda del Norte. [+info.](#)



FUGAS E INTERFERENCIAS PARA DAR PROTAGONISMO Á ARTE DE ACCIÓN

DUVI PONTEVEDRA 22/07/2019

Analizar e reflexionar sobre os novos comportamentos da arte de acción, tanto desde a práctica como desde a reflexión teórica. Con este obxectivo preséntase a *IV Internacional Performance Art Conference. Fugas e Interferencias 2019*. A cita celebrarase os días 28, 29 e 30 de novembro de 2018 nas cidades de Pontevedra e Santiago de Compostela. [+info.](#)

O ESTUDANTADO ESTRANXEIRO MERGÚLLASE NA LINGUA E CULTURA ESPAÑOLA DURANTE A SÚA ESTANCIA EN VIGO

DUVI 22/07/2019

O verán é un gran momento para mergullarse na aprendizaxe de idiomas. Así o entenden no Centro de Linguas (CdL) da Universidade de Vigo que, durante o período estival, oferta unha morea de cursos intensivos, para todos os gustos e para todos os niveis. Entre este catálogo, destaca a ensinanza de español para estranxeiros, un curso que cumpre unha dobre función: por unha banda, darlle ao alumnado todas as competencias necesarias para completar o seu currículo no idioma e, por outra, ofrece unha experiencia de inmersión cultural e lingüística a través de distintas visitas e actividades pola cidade de Vigo e a súa contorna. [+ info.](#)



O estudiantado estranxeiro durante a súa visita ás illas Cíes.



Foto de familia da delegación dominicana coa vicerreitora e das directoras das oficinas de I+D e de Relacións Internacionais..

UNHA MISIÓN DO VICEMINISTERIO DE FOMENTO A LAS MIPYMES DA REPÚBLICA DOMINICANA VISITA O CAMPUS

DUVI 22/07/2019

A vicerreitora de Responsabilidade Social, Internacionalización e Cooperación, Maribel Doval, recibiu este luns no campus de Vigo ás e aos integrantes unha delegación do Viceministerio de Fomento a las Mipymes da República Dominicana, encabezada polo viceministro Ignacio Méndez. Doval, que estivo acompañada na visita da misión dominicana, polas directoras técnicas da Oficina de I+D, Ángeles López, e da Oficina de Relacións Internacionais, Amelia Rodríguez, abordou coa delegación caribeña a posibilidade de establecer acordos de colaboración e intercambios ao abeiro dos proxectos que desenvolve o Ministerio de Industria, Comercio y Mipymes na República Dominicana. [+info.](#)



Un posto na pasada edición da mostra.

A SOSTIBILIDADE MARCA TENDENCIA NOS EMPRENDEMENTOS SELECCIONADOS PARA A 6ª EDICIÓN DO PONT-UP STORE

DUVI 23/07/2019

46 do total de 168 candidaturas, procedentes de toda Galicia, seleccionou a organización da 6ª edición do [Pont-Up Store](#), o que supón un incremento do 17% con respecto á anterior edición. Este ano, destaca a cantidade de empresas de nova creación que artellan solucións para reducir a pegada ecolóxica desde múltiples ámbitos, así como as iniciativas para activar o rural galego, que suman un terzo do total de propostas presentadas. [+ info.](#)



Coa participación de universidades e centros de investigación de Galicia e Portugal.

CAMPUS DO MAR CREAMÁ UN LABORATORIO TRANSFRONTEIRIZO DE BIOTECNOLOXÍA MARIÑA

DUVI 23/07/2019

Cooperación eurorrexional e excelencia científica. Estas son as dúas claves do proxecto BlueBioLab, un dos tres que a Universidade de Vigo conseguiu na convocatoria Poctep 2019. A finalidade desta proposta, liderada por Campus do Mar e cun orzamento de 1.122.152€ (dos que 841.614€ corresponden a axudas Feder), é a creación dun laboratorio transfronteirizo de biotecnoloxía mariña. Xunto coa UVigo, que coordinada o proxecto, están implicadas as universidades da Coruña, Santiago e Minho, o CSIC, o Instituto Español de Oceanografía e o Centro Interdisciplinar de Investigación Marinha E Ambiental, Ciimar. [+ info.](#)

UNIVERSIDADE DE VIGO

Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640